

**De lithontriptico a Joanna Stephens nuper invento dissertatio epistolaris / [David Hartley].**

**Contributors**

Hartley, David, 1705-1757.

**Publication/Creation**

Leyden : J. & H. Verbeek, 1741.

**Persistent URL**

<https://wellcomecollection.org/works/y6jm6gmh>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

27747/p

53354

DE  
LITHONTRIPTICO  
a  
JOANNA STEPHENS  
NUPER INVENTO  
DISSERTATIO EPISTOLARIS  
AUCTORE  
DAVIDE HARTLEY, A.M. & R. S.S.

---

*Ex his principiis via ad majora sternitur.*  
NEWTON.

---



LUGDUNI BATAVORUM,  
Apud JOH. & HERM. VERBEEK,  
MDCCXLI.

Medical

266  
1205









MEDICIS EXTERIS  
DAVID HARTLEY

*Medicus Londinensis.*

S. P. D.



Um *Lithontripticum*, ad calculos tam in renibus quam in vesica solvendo efficax, hic in *Anglia* nuper inventum, editum ac multiplici experientia rerumque suffragiis comprobatum fuerit; visum est, compendium quoddam eorum, quae hac de re lingua vernacula conscripta sunt, vobis latine exhibere.

Constat *Lithontripticum* hoc *testis ovorum calcinatis*, & *sapone Alicantico*.

*Testae* tum dicuntur *calcinari*, quando comburuntur in calcem vivam, quod patebit ex colore albo & sapore acerrimo, & halitu, addito lixivio salis ammoniaci penetrantissimo; nam hae tres conditiones universae calcium vivarum familiae communes sunt. Postulat autem calcinatio tem-



pus varium, pro variâ ignis vi & crucibuli magnitudine. Perficere solebat *Inventrix* intra spatium horarum octo vel decem, usa igne culinari amplo & vehementi, crucibulisque tres *Pintas Anglicanas*, hoc est, tres fere *Sextarios Romanos* continentibus. Postea *testae* exponendae sunt aëri sicco per mensem unum vel alterum, nempe donec sese remittendo concidant magnâ ex parte in pulverem tenuissimum, qui ope fetacei a partibus crassioribus ignis vim non satis expertis separandus est, & in vasis vitreis probe obturatis reponendus.

Pulvis hic in primis viis adstringit, & si quid ibi sit acidi absorbet, urinam ciet, fabulum ex renibus deducit, dolores a calculo in rene vel vesicâ oriundos auget ad tempus, vim solventem urinae impertitur: haec omnia eò magis, quò ignem vehementiorem passus, & aëri per brevius intervallum deinde expositus fuerit; hoc est, quò color ejus candidior, & sapor acrior. Iidem forsitan effectus praestari possunt à quâvis aliâ calce vivâ, eodem igneae naturae, *vitaeque* ut ita dicam gradu praeditâ, sed experientia nostra ad solam *testarum ovorum* calcem haëtenus pertingit. Sa-



# DE LITHONTRIPTICO. 5

*Sapo Alicanticus* provenit ab *Alone* five *Alicantiâ*, oppido celebri in *Hispaniâ*; estque ejusdem generis cum *Castiliensi*, *Veneto*, *Joppenfi*, reliquisque saponibus, qui ab oris maris *Mediterranei* adferuntur, sed paulo majoris aestimatus a *Fullonibus* nostris, & citius vergens à colore coeruleo, quo variegantur horum saponum nonnulli, in album, vel ex albo flavescentem si admodum vetus sit. Infunt illi porrò hinc inde quasi granula cretacea, vel calcaria. Asserit praeterea horum remediorum *Inventrix*, se multà experientiâ didicisse, *saponem Alicanticum* tum ventriculo gratiorem esse, tum in calculis solvendis potentiolem, quovis alio ex supra memoratis. Videntur tamen omnes iisdem ferè virtutibus potiri; omnesque, modo genuini sint, non incommode assumi possunt quantitate permagna. Conficiuntur enim omnes ex oleo olivarum, & calcis vivae salisque fixi alcalini maceratorum lixivio, per coctionem intime unitis. Fieri quidem potest, ut haec Ingredientia a se invicem paulum differant pro diversitate locorum, vel ut methodus iis utendi non sit ubique prorsus eadem, adeoque ut etiam



sapo alius alio commodior sit aliquantò ad usus particulares; attamen haud verisimile est, insignem aliquem effectum ab hoc produci posse, ab illo non item, vel non nisi gradu multo minore.

Methodus pulverem & saponem exhibendi haec est:

℞. *Testarum ovorum calcinatarum*, & semi-extinctarum secundum Regulas praecedentes, scrupulos duos, vel duos cum semisse, vel drachmam. Fiat Pulvis, sumendus ter quotidie in quovis vehiculo idoneo, superbibendo semilibram, hoc est, tertiam partem decocti sequentis:

℞. *Saponis Alicantici* uncias duas, vel duas cum semisse, vel tres; incide ac solve coquendo in aquae purissimae quantitate sufficiente, ut sit decocti sesquilibra. Coletur & edulcoretur melle, vel saccharo, ad libitum.

*Testis calcinatis* addere solebat *Inventrix* sextam circiter partem *Limacum* ad nigritiem ustorum, decocto autem *Coronopum Ruellii* similiter ad nigritiem ustum, ut & incoquere *Chamaemelum* vel *Chamaemeli flores*, *Foeniculum dulce*, *Petroselinum* & *Barbanam majorem*. Verum haec, cum nihil con-



conferre videantur ad urinae medicatae vim solventem, fatius duxi omittere, remediis idcirco in formam simpliciore redactis.

Proportio antedicta inter pulverem & saponem, scilicet ut illius dosi sit hujus pars octava, plerumque efficit, quo minus alvus aut nimis adstricta sit, aut nimis laxa. Sin aliter eveniat, vel augenda vel minuenda est dosi alterutrius, nam uti pulvis adstringit, sic e contrario sapo laxat, dum interea uterque virtute lithontripticâ urinam imbut. Possunt igitur sibi mutuo aptari pro vario statu intestinorum. Potest etiam remedium aliquod adstringens vel laxans decocto addi, aut sub aliâ quâvis formâ assumi, manente antedictâ proportionem inter pulverem & saponem. Quod si superveniat Diarrhoea, quae omnem prorsus virtutem lithontripticam secum e corpore abripit, illico confugiendum ad opiata. Monendi sunt autem aegri, decoctum non esse parandum in vase cupreo, nam sales alcalini saponis cuprum solvunt; unde multum molestiae vel etiam damni ventriculo & intestinis inferri, & nominatim Diarrhoea generari potest.

Animadvertetis, me triplicem dosin reme-



diorum superius assignasse, minimam, mediam, maximam. Media dosi, hoc est, pulveris drachmae duae cum semisse, saponis vero unciae duae cum semisse quotidie, convenit aegris mediae aetatis, staturae, habitudinis, valetudinis & id genus aliorum. Quibus infirmior est ventriculus, aut dolor in viis urinariis acutior, praestabit minimam exhibere dosin, itemque pulverem mitiorem, nempe qui aut ignis vi per tempus brevius, aut aëri per longius expositus fuerit. Idem fieri potest aegris in extrema senectute constitutis, quorum calculi promptius solvuntur, sive quod in senectâ aetate urina putrescentiae concipiendae magis sit proclivis, sive quod calculus ipse constet majoribus elementis nec tam arcte connexis inter se ac in junioribus, sive quaevis alia subsit causa. Pueri e contrario & iuniores tantum assumere debent, quantum ferendo par est ventriculus; cum multis experimentis certiores facti simus, remedia haec tardius opere suo defungi in illis; nec ullum exstet exemplum, quod novi, injuriae valetudini illatae vel ab aucta quantitate remediorum, vel a continuato eorum usu.

Quo-



Quocirca etiam pro Regulâ generali, meo quidem iudicio, haberi queat, tantum assumendum esse ab omnibus, quantum commode ferre possint, nam quo plus assumitur, eo celerius putrescet quasi & solvetur calculus, eoque magis emollientur laminae & fragmenta calculosa, quae cum urinâ ut plurimum redduntur post aliquod tempus ab inceptis remediis. Testari possum, pulveris drachmas tres cum unciis tribus saponis saepius exhibitas fuisse quotidie sine noxâ. Fuiere etiam, quibus calculus solutus est a pulveris drachmis duabus, & saponis unciis duabus quotidie assumptis; sed non fidentum est quantitati minori, neque ulla interponenda est cessatio, per quam utique relabatur urina in statum naturalem, concre-scendo & incrustando aptam. Complures memorare possem his nominibus spe suâ fraudatos, ideoque saepè saepius admonendi sunt delicatuli, & quibus ventriculus aequo plus irritabilis, ut omni ope nitantur justam vim remediorum urinae inferre summâ cum assiduitate & constantiâ.

Quod ad Regimen, satis erit, ut aeger utatur victu moderato, & abstineat ab acidis,



dis, sale conditis & aromaticis, quae nimirum aut alcali remedium aliquo modo extinguere, aut sitim creare possunt. Debet enim promptam calculi solutionem ex his remediis sibi pollicitus liquida quaevis parcius haurire, quandoquidem quo minor urinae medicatae quantitas, eo major erit vis ejus solvens. Conveniet porro a motu & exercitio corporis, quae urinam ciere calculosis solent, magnâ ex parte temperare. Nam urinae mora in vesicâ efficiet, ut tum diutius tum fortius agat in calculum.

Elapsis aliquot diebus a primâ medicamentorum assumptione augentur saepe numero dolores soliti in viis urinariis, praesertim ubi collum vesicae jampridem excoriatum & inflammatum fuerit, vel etiam ulceratum (quod ultimum tamen rarò accidit) a frictione calculi. Nam cum urina medicata sit putrescens, acris & alcalina, praeterlabendo has partes, & multo magis iis incumbendo, rodit & irritat. Verum partibus illis novae huic urinae paulatim assuescentibus, atque ipsâ calculi superficie simul emollitâ, imminuuntur iisdem gradibus dolores supra memorati, & post aliquot septima-



manas prorsus cessare solent. Quod si dolor vehemens urgeat, imperanda est quies omnimoda, situs corporis conveniens, venaesectio, victus lenis, mucilaginosus, oleosus, Semicupia, Fotus, Cataplasmata, Linimenta, Enemata appropriata, & praecipue medicamenta ex opio praeparata. Sed raro contingit, ut aliquid facto opus sit, praeter ea, quae dolor ipse suadet, quietem scilicet & situm corporis convenientem. Imprimis autem monendus est aeger, ne isto dolorum augmento territus statim abstat ab usu remediorum. Cum enim calculus non raro deveniat scaber & summopere inaequalis ab eorum actione, si pristinam durtiem rursus induat, quod certo certius fiet urinâ ad pristinum statum per intermissa remedia revertente, immanissimi dolores invadent; id quod miserrimo exemplo cujusdam *Thomae Underwood* biennio circiter abhinc extincti patuit, ut infra narrabitur. Dum e contrario multoties observatum fuerit, aegrum remediorum usui pertinaciter insistendo motui cuivis mediocri perferendo habilem redditum fuisse, & symptomatis omnibus tantum non immunem evasisse, quan-



quanquam magnus adhuc & scaber calculus restaret in vesica; uti ex fragmentorum postea egestorum numero & scabritie constabat; mollitie scilicet fragmentorum & calculi ipsius illud efficiente.

Multa apud Auctores memorantur calculi vesicae signa, sicut probè nôstis. Liceat mihi notabiliora feligere. Sunt autem pruritus & dolor in collo vesicae, urethrâ & glande penis; præcipue statim post urinam redditam. Eadem aucta a motu quovis violentiori, imprimis dum equo vel curru vehitur aeger per vicos lapideos, mictu sanguineo comitante. Frequens, dolorificus, & plerumque irritus mejendi conatus. Tenesmus eodem tempore infestans. Urinae fluxus subito interceptus, tanquam ab obice interposito, sed re vera proveniens, meâ quidem sententiâ, a subitâ contractione sphincteris ab impactu calculo irritati. Verum operae pretium erit, aegrum calculo vesicae laborare existimatum, sese examini per catheterem subicere, quod omni vacat periculo, & fere omni molestia. Invento enim per catheterem calculo, aggredietur usum remediorum majore cum animi constantia.



stantia. Sin minus, poterit tamen fortasse aliquid lucis, quod ad symptomatum causam, ab hoc examine mutuari. Observandum autem est, ubi omnia signa praecedentia conveniunt, vix ullum scrupulum oriri debere, ex eo quod catheteri non occurrat calculus inter explorandum, nam hoc subinde fit, existente interim calculo in vesica: Signa vero illa sibi mutuo fidem facientia rarissime fallunt, fortasse nunquam.

Non tam clarè constat, quâ ratione dignoscendus sit calculus renum, & multo minus, quibus symptomatum differentiis distinguendi sint majores a minoribus illis, quorum moles est tantilla, ut per ureteres in vesicam deferri possint. Si autem aeger tentetur crebris lumborum doloribus, ad motus violentiores auctis, cum mictu sanguineo, adsintque fere perpetuo calor & sensus gravativus ibidem, si vomituriat subinde, urinamque frequenter reddat, necesse est omnino, ut ad haec remedia se conferat sine morâ. Ubi enim majores adsunt in renibus calculi, vix dici potest, quanto obijcitur periculo, qui medicamento lithontriptico destituitur, utpote quem exitiabilis il-



la Ischuria, ab obturatione ureterum ortum ducens ex levissimâ occasione invadere fit parata. Aegro autem his remediis per tempus idoneum uso, & etiamnum sine intermissione utente, decidant licet in ambos ureteres calculi, omnemque transitum urinae praecludant, fragiles tamen erunt & quodammodo molles eorum superficies, vis urinae solvens perpetuum ex illius morâ incrementum capiet, ipsaque perpetuò urgebitur momento majori ex quantitate suâ perpetim auctâ, partiumque adjacentium contractione, & sic tandem sibi ipsi viam faciet. Cui suffragatur, quod nullum exstat exemplum Ischuriae lethalis inter usum remedium aborti. Sed & ipsa urina naturalis nonnunquam, licet rarò, canales in calculi lateribus efformat, per quos cum bonis aegri rebus elabatur.

Nec animadversione indignum est, multum conducere haec remedia ad casus obscuriores illustrandos. Cum enim tantâ vi solvendi prædita sint, fieri vix potest si revera adsit calculus, quin fragmentum aliquod cum urinâ redditum, vel insigne levamen ex emollitâ calculi superficie proveni-



niens huic fidem fecerit; ideoque, neutro illorum apparente post haec remedia per tempus justum assumpta, probabile erit, calculum non adesse. Quod si fragmentum vel minimum per urethram prodierit, hoc certissimo erit indicio, calculum alicubi latitare in partibus urinariis, cum urinae medicatae vis solvens nullo modo patiatur, concretionem aliquam de novo generari. Magnitudo, color, forma, durities fragmenti egesti nonnihil forsan de calculi ipsius, a quo separatum fuit, naturâ & magnitudine monstrare possunt, praesertim ubi simul conferentur experimenta infrâ recensenda. Si dolor in regione ureteris fragmenti exitum præcesserit, conjicere licebit, e rene provenire; sin minus, e vesicâ, praesertim verò si fuerit magnum, latum vel angulosum.

Quod ad casus leviores attinet, ubi nimirum vomitu, lumborum doloribus & fabuli vel lapillorum fabulorum transitu per ureteres dolorifico subinde vexantur aegri, nec tamen calculo renum laborare videntur, propter omnimodam symptomatum absentiam per intervalla, convenit, remedia quan-  
ti-



titate ex antedictis aliquâ exhibere per septimanas aliquot, ne fortè lateat quidam calculus major, atque etiam, ut, quicquid adest fabuli vel lapillorum fabulorum, evacuetur. Postea generatio horum omnino prohiberi potest quartâ, quintâ vel sexta parte quantitatis illius quotidie assumptâ; quae usque continuanda est, vel subinde omittenda & deinceps repetenda, pro ratione symptomatum. Victus emolliens, cum mellis esu assiduo & copioso, idem praestare potest in plerisque casibus.

Accidit nonnunquam, ut haec remedia assumentes post aliquod tempus multo habitiores fiant, & ejusmodi symptomatis tententur, quæ a boni sanguinis Plethorâ oriri solent, remediis scilicet nimiam hujus copiam ingenerantibus, aut per se, aut propter cibi appetentiam, a lenitis doloribus auctam. Quod si fiat, mitti potest sanguis, vel lene catharticum subinde exhiberi: Macilentis autem, languidis, ictericis & podagricis valdè proficua sunt ut plurimum haec remedia, etiam nullâ ratione habitâ levaminis, quod a calculi sublatione provenit.

Hae sunt praecipuae circa hanc Methodum



monitiones & cautela; ex ipsâ quidem praxi maximam partem desumptae, sed & practi-  
cis insuper rationibus munitae, concessâ  
modo urinae medicatae vi solvente. Et cer-  
tò scio, futurâ aliquot annorum experienciâ  
meam fidem satis superque liberatum iri.  
Verum quò vestris, miserorumque, vestram  
opem implorantium, votis plenius satisfa-  
ciam; libet jam adjicere summa illorum ar-  
gumentorum capita, quibus haec vis evinci  
queat. Reduci autem possunt ad quinque  
classes, utpote petita vel

Primò, Ex cessatione Symptomatum  
usum remediorum consecutâ. Vel

Secundò, Ex catheteris testimonio, cu-  
jus ope nimirum in casibus nonnullis calcu-  
lus inventus est ante assumpta remedia,  
post assumpta vero inveniri non potuit.  
Vel

Tertiò, Ex Phaenomenis calculorum, e  
cadaveribus post assumpta remedia exem-  
ptorum, notasque lithontripticae virtutis ma-  
nifestas gerentium. Vel

Quartò, Ex urinae medicatae qualitati-  
bus, & vi solvendi calculos in illa digestos  
extra corpus. Vel



Quintò, Ex simili vi, ipsis remediis, five, quod eodem recidit, *Lixivio saponis & aquae calcis* competente.

Primo itaque exhibita fuere haec remedia aegris quam plurimis, calculo vesicae laborantibus, uti ex signis supra recensitis colligere licebat, quandoque etiam cathetere patuit, exitu felicissimo. Doloribus enim & Symptomatis omnibus liberati sunt, & ad motus quosvis vitaeque functiones prorsus ut olim peragendas apti evasere. Quinetiam nonnulli, licet numero longe pauciores, quibus calculi majores in renibus haerere visi, sanitati exinde restituti sunt. Historias quidem hujusmodi multas, ab ipsorum aegrorum epistolis vel ore desumptas, biennio circiter abhinc evulgavi linguâ vernaculâ, testimonium suum simul conferentibus compluribus viris probis, eruditis, judicii acris, magni nominis.

Cum itaque & pulvis & sapo vias urinarias vehementer irritare soleant, omnem prorsus dolorem auferre vix possunt, nisi propter ablatum simul calculum, vel saltem ejus superficiem valde emollitam, certum virtutis solventis indicium. Verum permanens doloris &  
Sym-



Symptomatum omnium cessatio, per annos aliquot ab intermissis remediis, soli priori causae, calculo nempe integre soluto & viis urinariis prorsus ejecto, convenire posse videtur. Pari saltem jure inferre liceret, remedia haec calculum tollere, hoc est solvere, quo *Cortex Peruvianus*, cujus virtus febrifuga a Symptomatum cessatione unice arguitur, febris intermittentis causam amovere affirmatur, modo paria essent utrobique felicitis eventus exempla. Jam vero Symptomatum calculi ex usu *Lithontriptici* cessantium exempla non possunt esse valde numerosa, propter ejus novitatem; hoc tamen attestari queo, ex ducentis circiter aegris, quorum Historiae mihi bene perspectae sunt, quibus Symptomata calculi renum aut vesicae genuina adfuerunt, quique quid revera praestare valent remedia experti sunt, neminem hactenus mihi innotuisse, quem non oporteat credere aut integre sanatum fuisse, aut certe sanari potuisse, modo justâ quantitate, ritu & temporis spatio hausta fuissent remedia, nec ipse aeger morbo alias insanabili laborasset. Quocirca ex hoc simplicissimo & primario



in re medicâ argumentandi genere colligere licet, virtutem lithontripticam horum remedium non longè distare a virtute febrifugâ Corticis Peruviani, quod ad gradum certitudinis. Idem enim quàm proxime oritur gradus certitudinis ex centum exemplis claris & apposis, ac si adessent centum mille, ut a doctrinâ fortis mensurandae demonstrari posset, nisi per se satis pateret. In utroque nimirum casu ad certitudinem, quod aiunt, absolutam quàm proxime acceditur.

Quod si objiciatur, differentiam non praetermittendam subesse inter virtutem lithontripticam & febrifugam, propterea quod causa Symptomatum calculi, hoc est calculus ipse, evidens est, incurrit in sensus, audiri, tangi potest, dum interea multum ambigitur inter doctos de causâ febris intermittens; ideoque expectandum esse, ut remedium lithontripticum causam hanc sensibilem sensibili modo tollat, ut laminae & fragmenta, characteribus solutionis ex parte peractae scatentia, vel materies calculosa, sub formâ pulveris tenuioris reddantur cum urinâ, & tandem ipsi nuclei prodeant. Respon-



spondeo, hoc quidem expectari posse summo cum jure, sed & fieri; fieri porrò adjunctis vel minutissimis circumstantiis, quas in Historiâ calculi versatissimus comitari debere assereret; unde statim patet, multum roboris ad conclusionem nostram stabilendam exinde accedere. Redduntur utique laminae & fragmenta, quod ad magnitudinem & formam diversissima; prorsus ac si in mortario confractus, & crasso modo pulveratus esset calculus, nisi quod albeant, mollia sint & cariosa ut plurimum, hoc est, ex parte solvantur: namque calculorum albedinem notam esse solutionis inchoatae, patebit infra experimentis variis; mollitiem verò & cariem, omnibus liquet. Laminarum superficies altera convexa est, altera concava; albet verò illa magis quam haec, utpote urinae medicatae virtutem diutius experta. Redduntur nonnunquam particulae nigrae, rotundae, instar seminum sinapeos, quas quidem a calculo moriformi provenire credibile est. Redduntur etiam, licet rarius, rubidae, fuscae, insigni duritie praeditae, pro diversitate scilicet calculi & ipsius urinae medicatae. Tandem



prodit nucleus, coopertus particulis ejusdem generis ac illae, quas ultimò aeger reddidit; scaber & cariosus, vel fortasse laevis & expolitus; integer vel fractus; unus vel plures; evanescentibus deinceps omnibus omnino Symptomatis. Haec plerumque accidunt; fuere tamen nonnulli, quibus Symptomata fugata, solo nucleo prodeunte; pauci, ne hoc quidem conspecto. Nam turbida solet esse urina medicata, & particulis terreis a calce derivatis abundare, quibus calculus, si eâ sit naturâ ut in pulverem tenuem solvatur, commistus visum effugit.

Illi porro, quibus valde emollita prodeunt fragmenta, ut & quibus brevi tantum spatium calculum adfuisse probabile est, brevi ut plurimum convalescunt, Sic etiam vesicae calculus, caeteris paribus, promptius solvi videtur quam renum; eo quod vesicae calculus maceratur in urina solvente ibidem detenta, dum interea calculus renalis praeterlabenti urinae solummodò expositus solvitur lentius. Pari ratione generatur lentius, hoc est, rarius occurrit; adeoque multo rariora fiunt (uti supra annotatum fuit) calculi renum soluti exempla, quam vesicae,



ficae, propter hanc duplicem causam, quod & rarius adsit, & difficilius solvatur. Attamen nonnullis revera solutum fuisse, omnino credendum est; exstiter enim, qui facti sunt abunde confcii transitus particularum disjunctarum, & tandem nuclei ipsius, per ureteres. Nec contemnendum est virtutis solventis argumentum, quod fabuli & lapillorum fabulorum e renibus primum, deinde e vesicâ ejectioni doloribusque exinde ortis obnoxii, nihil tale patiantur inter usum remediorum, concretione nimirum particularum fabulosarum a novis urinae medicatae qualitatibus praepeditâ.

Quod ad causa imperfectiores attinet, quorum scilicet Historiae nondum mihi satis innotuerunt; vel ubi usus remediorum brevi abruptus, aut continuatus quidem, sed prorsus inconstanter, & in brevibus accipiendi temporibus sine regimine necessario; vel denique ubi meritò suspicari licet calculum revera non adfuisse; ferò affirmare possum, me nihil exindè colligere valere, propter quod remedia ab aequo rerum aestimatore censenda sint aut virtute solvente destitui, aut aliquâ qualitate noxiâ praedi-



ta esse, benè multa verò & eorum efficaciae & ufui innocuo suffragantia. Interim in hoc, ut in omni alio Problemate resolvendo, a simplicissimis & certissimis incipiendum est, ut sic tandem intricatiora enodari queant, & lux obscuritati affundi.

Sequitur ergò, remedia haec sibi ipsis fidem facere ratione singulari, nec omnino refellendâ; quandoquidem tum Symptomatum causam, tum proprium agendi modum, detegant & stabiliant. Quî enim fieri potest, ut non adfuerit calculus, cum in conspectum prodeat? Ut non solvatur, cum prodeat non integer, sed partibus cohaesionis vinculo solutis, colore item & mollitiei vim sibi impressam testantibus?

Secundum argumenti genus desumptum est a catheteris testimonio, hoc est ab iis, quibus cathetere inventus est in vesicâ calculus ante assumpta remedia, post assumpta verò inveniri non potuit. Hi sunt numero septem, multò plures futuri, ut videtur, si explorandi ante & post data fuisset copia. Singulorum Historias breviter percurram.

*Thomas Holland*, annos quinquaginta vel amplius natus, calculi vesicae Symptomatis



laboraverat per triennium. Nec ambulare, nec curru vel equo vehi, potuit sine vehementi dolore & mictu sanguineo. Autumno anni 1737. cathetere inventus est in vesicâ calculus. Sumpsit remedia per sex circiter menses, reddiditque complures calculi laminas, fragmentis testarum ovorum similes, ex altero latere albas, ex altero fuscas; multas item particulas albas & emollitas, & tandem nucleum ingentem. Evanuere omnia prorsus Symptomata, nec sensit vel minimam molestiam, curru licet raperetur per vicos lapideos summâ cum celeritate, deditâ scilicet in hunc finem operâ. Explorata est etiam ter denuò cathetere vesica, nec tamen calculus inventus.

*Ricardus Cheshire*, natus annos 73., calculo vesicae laboraverat per quadriennium. Catheteri hujus vesicae saepius immisso, ad exitum urinae faciendum, occurrebat calculus, sentientibus non modo Chirurgo & Chirurgi Discipulo, sed ipso etiam aegro & filio ejus; visusque est Chirurgo permagnus. Incepit uti remediis Octobr. 24<sup>o</sup>. 1738., & in iis perstitit ad mensis insequentis 27.<sup>m</sup>, redditâ per hoc tempus materiae calculosae



quantitate ingenti, sub specie cinerum, ut ipsius verbis utar. Fugata sunt omnia prorsus Symptomata, & explorata cathetere ter denuo vesica; sed calculus inveniri non potuit.

*Arthurus Gardiner*, sexagenarius, calculi vesicae Symptomatis laboraverat per annos complures, urgentibus doloribus vehementissimis. Explorata est cathetere vesica Decembr. 30°. 1738., & calculus ibidem inventus. Usus est remediis per menses octo, reddidit quàm plurima calculi fragmenta emollita, tum parva tum magna, & liberatus est ab omnibus Symptomatis. Cathetere bis denuò explorata est vesica, sed calculus non inventus. Observatu dignum est, hunc aegrum a doloribus immunem evasisse intra mensis unius spatium à primâ remediorum assumptione; quamvis fragmentorum mollium & scabrorum copia postea reddita certissimo sint indicio, & magnum & scabrum calculum, sed emollitum, tunc temporis restitisse in vesicâ.

*Petrus Appleton*, annos natus 67., calculi vesicae Symptomatis laboraverat per septennium & amplius, comitantibus doloribus



bus summopere exoruciantibus per ultimum quinquennium. Cathetere explorata est vesica Jul. 6<sup>o</sup>. 1739., & calculus inventus. Sumpsit remedia quinque circiter menses, reddiditque quàm maximam calculosae materiae quantitatem sub formâ laminarum & fragmentorum minorum, nucleo parvo tandem prodeunte. Evanuêre omnia Symptomata, & cathetere bis denuo explorata est vesica, sed calculus non potuit inveniri.

*Henricus Norris*, annos natus 55., calculi vesicae Symptomatis laboraverat per annum cum semisse. Cathetere explorata est vesica, & calculus inventus. Sumpsit remedia per menses quatuor, reddiditque urinam turbidam, sed nulla calculi fragmenta, quod quidem sciverit. Liberatus est autem ab omnibus Symptomatis, explorata quoque denuo cathetere vesica, sed calculus non inventus.

*Gulielmus Brighty*, natus annos 79., calculi vesicae Symptomatis laboraverat per triennium. Cathetere explorata est vesica Sept. 8<sup>o</sup>. 1739., & inventus calculus. Sumpsit remedia quatuor circiter menses, reddiditque



ditque calculi fragmenta quaedam, cum multis granis parvulis, instar feminum finapeos, a calculo moriformi provenire visis. Evanuere omnia Symptomata, & cathetere denuo explorata fuit vesica, nec calculus inventus.

Rusticus quidam, nomine *Brown*, intra 40. & 50. aetatis annum ut videtur constitutus, calculi vesicae Symptomatis laboraverat per biennium. Autumno anni 1738. cathetere explorata fuit vesica, calculusque inventus. Sumpsit remedia menses circiter duos, & tandem reddidit calculi fragmenta quatuor, granis tritici magnitudine paria. Evanuerunt illico Symptomata, & cathetere explorata est denuo vesica, anno circiter interposito, sed calculus non inventus.

Praetermissis itaque quae ad argumentum praecedens pertinent, circumstantiis, assero catheteris Testimonium seorsim spectatum magnopere valere ad lithontripticam urinae medicatae virtutem stabiliendam. Cum enim rarò accidat, ut calculus semel cathetere inventus non occurrat denuo, praesertim ubi summâ cum curâ & circumspectiōne, a peritissimis etiam in arte suâ viris, in-

fti.



stituitur examen, id quod in his casibus factum est; incredibile videtur, illud septies contingere potuisse, nisi propter solutum uni saltem aegrorum calculum. Verbi gratia, si sit in ratione 9. ad 1. hoc eventurum non esse in casu singulari, erit in ratione 9, 999, 999. ad 1. ut idem septies non accidat, ceu computo inito statim patebit.

Verum non reticendum est, duobus insuper aliis aegris cathetere exploratam fuisse vesicam & ante & post remediorum assumptionem, atque in his eventum non respondisse votis; adeo, ut oporteat non nihil demere a gradu probabilitatis, septem Historiis jam recitatis oriundo, si solae essent, in quibus catheteris experimentum institutum.

Horum primus, *Abrahamus Ravenell*, calculi vesicae Symptomatis laboraverat per annos aliquot, miserrimam trahens vitam, & tum ambulare, tum curru vehi impos prae dolore. Cathetere explorata est vesica sub finem Martii 1738., & inventus calculus. Incepit statim uti remediis, & per primas duas septimanas multo pejus se habuit quod ad dolores, obstructionem urinae & mictum sanguineum. Post hoc levatus fuit, &  
ne-



negotia obire subinde potis erat sine dolore. Reddidit etiam urinam turbidam, & mucosam, cum sabulo rubro. Die 49°. ab inceptis remediis foris meienti orta est urinae interceptio subita, non tamen dolorifica. Paulò post derepente erupit urina, fluxitque libere ad magnam quantitatem, adeo, ut visum fuerit aegros, nucleum tunc temporis evacuatum fuisse. Continuavit autem usum remediorum per unam amplius septimanam, sed, cum omni prorsus dolore se liberum sensit, urinam quoque suam pellucentem & sine impedimento redditam, destitit ab iis. Quin etiam adiit Chirurgum, à quo calculus antea inventus fuerat, & se examini catheteris rursus subjecit bis eodem die, variato etiam corporis situ, altera quippe vice stetit erectus, altera decubuit super mensam. Chirurgus nequivit calculum invenire. Elapsis aliquot diebus tertio exploravit aegri vesicam idem Chirurgus, pari item eventu. Cum autem adduxisset Chirurgum alterum in hujus rei testem, & tradidisset illi Catheterem, occurrit illi alteri calculus; quin & Chirurgus primus tum demum deprehendit, calculum adesse in



vesicâ. Permanet interea calculosus hic ad praesens usque tempus, per annos utique duos cum semisse, omnibus calculi Symptomatis immunis, motumque quemvis ambulationis, equitationis, vel vectionis in curru super vicos lapideos, tolerare potest prorsus sine incommodo.

Secundus, *Benjaminus Towne*, laboraverat veris calculi vesicae Symptomatis per menses tantum aliquot. Explorata fuit cathetere vesica mense Maio anni 1737., & calculus ibi inventus. Sumpsit remedia per septem circiter menses, reddidit compluria calculi fragmenta, inter quae duo permagna, & liberatus est ab omnibus Symptomatis. Octobr. 9°. 1738. explorata est denuo cathetere vesica, & calculus inventus. Ambulare autem, equitare, motumque quemvis perferre potis est ad hoc usque tempus, triennii circiter intervallo a Symptomatum cessatione remotum, omni sine dolore vel molestiâ, neque adest aliquod calculi signum.

Hisce novem aegris, quibus solis hic in *Angliâ* explorata est cathetere vesica ante & post remediorum assumptionem, liceat de-



decimum adjicere, ex cujus Historia non minus roboris ad evincendam urinae medicatae vim lithontripticam deduci queat, ut videtur, quàm si adesset illi testimonium catheteris.

*Thomas Binford*, Mercator *Exoniensis*, cui puero adhuc decenni exfectus fuerat e vesica calculus, iterum correptus est genuinis calculi vesicae Symptomatis circa annum aetatis suae viceſimum, vel viceſimum quintum, eaque deinceps perpeſſus est per annos sex. Chirurgus celebris *Exoniensis* bis immisit digitum in anum aegri, sensitque evidentissime utrâque vice calculum in vesica, ovo gallinaceo magnitudine aequalem. Ipse porro aeger agnovit motum calculi in vesicâ suâ durante utroque examine, reddiditque urinam cruentam statim post horum alterum. Augusto anni 1737. inchoavit usum remediorum, & brevi post tempore rejecit cum urina magnam quantitatem sabuli fusci, putridique, ut & quàm plurimas calculi laminas albas. His paulatim evacuari desinentibus, provenerunt cortices, ut ita dicam, calculosi, utpote qui crassi erant, & laminis pluribus constabant.

Fu-



Fuere etiam illorum plerique lati, forma irregulari, superficie albi, hac deterfa fufci. Tandem prodierunt partes ipsius nuclei fragiles & porosae, fugatis tum demum omnibus Symptomatis. Immisit quoque idem Chirurgus digitum in aegri anum tertia vice, sed non invenit calculum.

Has decem Historias retuli ideo libentius, ut habeatis specimen exemplorum, quibus tanquam fundamento suo nititur gradus ille certitudinis, quem ad certitudinem absolutam quam proximè accedere superius asseveravi.

Cum enim quibusdam ex his historiis, quarum similes fere semper occurrunt quando remedia ritè assumuntur, vix una e centum vel mille, quibusdam nullae omnino pariles reperiantur ubi nihil assumitur; fieri non potest, quin, casu prorsus excluso, virtus solvens a remediis in urinam derivata arguatur ex his Historiis, eadem ratione, qua aliarum causarum existentia ex effectibus suis manifestis; gradusque certitudinis inde deducendus ad unitatem, sive certitudinem absolutam, quam proximè accedat.

Accedo jam ad tertium argumentorum genus, quod nimirum petitur ex Phaeno-



menis calculorum, in cadaveribus post assumpta remedia inventorum, notaeque virtutis lithontripticae manifestas gerentium. Horum aliquos aere incidendos curavi, ut clarius appareat, quantum roboris ad conclusionem nostram firmandam ex hoc loco derivetur. Sequens utique Tabula exhibet calculos exemptos e quinque cadaveribus post assumpta remedia demortuorum.

Fig. 1. & 2. designant latera opposita calculi exempti e vesica *Thomae Underwood*. Laboraverat ille per annos aliquot. Aestate anni 1738. aggressus est limum remediorum, perstitit in eodem, sine requisita tamen constantia, per sex circiter menses, reddidit fragmenta bene multa, & aliquid levaminis exinde accipere visus est. Post hoc destitit ab iis prorsus, exactoque intervallo aliquo correptus est doloribus summo opere excruciantibus, insequente etiam Diarrhoea, quae hominem miserrimum sustulerunt post tres circiter menses ab intermissis remediis. Aperto cadavere inventus est in vesica calculus, tertiam vel amplius partem exesus, apparente ipsa laminarum serie multis in locis, & foramine pervio a parte dextera.

Fig.



Fig. 3. & 4. designant latera opposita calculi desumpti è vesica *Ricardi Symonds*. Natus erat annos 78., laboraverat per triennium, eratque senio, paralyti, diarrhoea & torminibus calculi tantum non confectus. Sumpsit remedia per sex fere septimanas, sed quantitate solita minori ob diarrhoeam & debilitatem magnam. Reddidit interea multas calculi laminas cum urina, cujus sedimentum simile erat udo caemento, & ab omnibus fere doloribus, Symptomatisque calculosis se liberatum esse sensit. Desiit itaque remediis uti, vitamque dein trahens summo opere languescentem, sed doloris prope modum expertem, per dies quatuordecim, tandem placide obiit. Aperto cadavere inventus est in vesica calculus magnus, ex parte tanquam decorticatus. Cortex residuus scaber erat, & plus digiti parte octava crassus multis in locis; sed tanta erat ejus mollities, ut manibus contrectari nequiret quin detereretur; ex quo factum videtur, illum a doloribus adeo immunem permanisse per ultimas vitae suae hebdomadas. Coopertus est etiam calculus hic lamina pertenui, coloris ex rubro fusci, quam ab urina statum



incrustantem rursus adepta propter intermissa remedia provenisse verisimile est; namque hac detrita partes substratae albere visae sunt, uti solent quae in urina medicata macerantur.

Fig. 5. & 6. denotant latera opposita calculi exempti è vesica *Roberti Wood*. Sumpsit ille remedia per annum circiter dimidium, reddidit fragmenta quaedam, & paulo melius se habuit, quod ad dolores a calculo oriundos. Extinctus est pleuritide. Erat autem senex annorum 68., debilis & asthmaticus. Modus, quo calculum hunc comminuebat urina medicata, plane singularis est; ab altera enim parte detritus & expolitus est in fastigium acutum, apparente laminarum serie ovali ex utroque latere; ab altera verò fere intactus restitit.

Fig. 7. denotat calculum desumptum e vesica viri honorabilis *Eduardi Carteret*, Veredariorum publicorum Praefecti generalis: 8. & 9. eundem in partes duas ferra divisum; 10. & 11. nucleum cum portione corticis calculi alius in ejusdem vesica inventi. Sumpsit ille remedia per sesquiannum vel circiter, reddidit quam plurima calculi fragmenta.



gmenta & aliquot nucleos, multumque levaminis exinde accepit. Tandem verò abstitit ab iis, reclamante licet *Inventrice*, & afferente, illum nondum integre sanatum fuisse. Biennio post extinctus est morbo apoplectico; aperto autem cadavere, hi duo calculi in vesica inventi fuere: Calculus 7., ferra divisus in partes 8. 9., exhibuit corticem durum, fusco-pallidum; nucleum verò ab hoc cortice prorsus distinctum, in eo mobilem, cinereum, molliorem. Calculus alter concussus sonitum dedit; cum verò forte decidisset in pavementum lapideum, diffractus est, statimque apparuit nucleus 10., cum cortice, cujus pars est 11., uterque prorsus ejusdem generis cum prioribus. Ex his concludere licet, nucleos illos restitisse in vesica, cum remediis uti desiit; cortices verò generatos fuisse per residuum vitae suae biennium, postquam urina rediisset ad statum naturalem incrustantem, propter intermissa remedia.



Fig. 12., 13., 14., 15., 16. denotant calculos quinque angulosos, habentes latera plana, expolita, laminarum serie circulari distincta. Inventi sunt in vesica *Joannis*



*Stanton*, senis septuagenarii, qui extinctus est morte repentina; postquam sumpserat remedia duos circiter menses, reddiderat laminas quasdam, atque multum levatus fuerat. Jam verò, cum calculi omnes incrementum per orbicularem laminarum appositionem, lamiris exterioribus undiquaque obtegentibus interiores; liquet, hos, in quorum lateribus varii laminarum ordines simul sunt conspicui, fabricaque interna nudata, fuisse decrecentes per aliquod tempus ante mortem. Forſan prius emolliti ab urina medicata, poſtea deſaſi fuere & complanati a mutua attritione.


Quarta claſſis argumentorum derivatur ex urinae medicatae qualitatibus, & vi ſolvendi calculos in illa digeſtos extra corpus. Hic autem neceſſe erit, brevem quorundam, ad me ipſum ſpectantium, Hiſtoriam praemittere. Ineunte anno 1737., aetatis meae triceſimo ſecundo, correptus ſum veris calculi veficae ſignis, pruritu ſcilicet & dolore in collo veficae, ad motum etiam auſtis, cum miſctu ſanguineo, ſubita interceptione urinae & tenefmo. Cathetere explorata eſt vefica, ſed non inventus calculus. Cum vero





G. Vander Gucht, Delin: & Sculp.







verò Symptomata praedicta soli vesicae calculo respondere viderentur ; circa initium Maji ejusdem anni aggressus sum usum horum remediorum, & in eo perstiti ad hunc usque diem. Quamvis enim iisdem Symptomatibus etiamnum afficiar ; imminuta tamen est eorum vehementia, reddidique saepe saepius laminas calculosas, fragmenta etiam, tum parva, tum magna, (inter quae unum ponderis granorum 12<sup>i</sup>) solida, scabra, notis lithontripticae virtutis certissimis insignita, quorum nihil unquam mihi contigit ante assumpta remedia. Spero itaque, imo, Deo annuente, confido, me tandem convaliturum, utut in spatium usitato longius excurrat tempus sanationi absolvendae requisitum. Nec dolorum, qui quidem praeter solitum mites huc usque exstiterunt, omnino pignabit, si modo occasionem praebuerint sublevandi miserrimos illos mortales, qui sub tortura calculi ubique gemunt. Addendum est, suspicari me, calculum adfuisse in vesica, forsan in rene altero, vel etiam in utroque, a multis retro annis; ut &, Autumno anni 1738. cathetere bis denuo exploratam fuisse vesicam, inventumque utraque vice calculum.



Sub primum igitur horum remediorum usum observavi, urinam meam naturali magis volatilem fieri, odore veterem urinam putrescentem referre, atque reddi valde alcalinam; effervescebat enim cum oleo vitrioli, oleo sulphuris per campanam, spiritu nitri, spiritu salis marini, aceto & succo limonum. Quae quidem omnia aliis, haec remedia assumentibus, communia sunt. Celeberrimus porro *Chemicus Parisiensis, Claudius Josephus Geoffroi*, nactus est *salem mirabilem Glauberi*, hoc est *salem neutrum*, ex urina medicata oleo vitrioli permista; quod est certissimum argumentum, *salem alcalinum* acido neutralizando parem contineri in urina medicata. Causae autem, propter quas *salmirabilis Glauberi*, non *tartarus vitriolatus*, oriatur ex hoc processu, videntur esse: primo, quod *sal marinus* solet assumi quotidie inter edulia; deinde, quod *sal alcalinus*, in *sapone Alicantico* conficiendo usurpatus, fit ex cineribus plantarum, in littoribus maris *Mediterranei* nascentium, & aqua marina subinde irrigatarum.

Nec mirum videri debet, urinam medicatam esse valde alcalinam, five sales alcalinos

fa-



saponis, tanta quantitate per os ingesti, transire, vel integre vel magna ex parte, per vias urinarias. Namque ea est renum functio peculiaris, ut aqueas partes sanguinis, salesque in illis solutos, a reliqua massa secernant. Volatilitas urinae medicatae Phaenomenon est ejusdem generis, ac volatilizatio salis ammoniaci & a calce viva & ab alcali fixo. Putrescentia autem magnam cum indole alcalina & volatilitate cognationem habet.

Dubitari quidem potest, an calx testarum ovorum quicquam conferat, nec ne, ad alcalinam indolem urinae medicatae imprimendam. Etenim spiritus salis ammoniaci cum calce viva paratus non est alcalinus. Colligere tamen videor ab experimentis quibusdam crassioribus, urinam medicatam esse magis alcalinam, quam pro ratione salium alcalinorum, in sapone quotidie assumpto contentorum. Forsan hujus rei ratio petenda est a perpetua illa fluidorum, per corpus animale circumactorum, propensione in naturam alcalinam.

Jam vero tres illae urinae medicatae qualitates, nempe indoles alcalina, volatilitas



& putrescentia, non levem virtutis solventis suspicionem movent. Est enim notissimum, sales alcalinos praeditos esse vi solvendi oleum, quod pro vinculo frequentissimo cohaesionis corporum haberi solet. Hujus rei exemplum peti queat ex linteis albatis. Elicitur utique, ope lixivii alcalini, oleum vegetabile ex illorum fibris, textura quodammodo solvitur, & ex fuscis alba fiunt, pari ratione ac laminae calculosae, ab aegris haec remedia assumentibus evacuatae. Volatilitas indicio est, partes urinae intime comminui, a se invicem recedere conari, concrecendo & incrustando ineptas reddi, penetrando aptas. Putrescentia demum est species quaedam solutionis, & in corporibus contiguis facile propagari solet. Neque defunt experimenta, in ipsam naturalem urinam putrescentem a viris doctis instituta, & mecum communicata, quae huic doctrinae favent. Quid? quod & a viro celeberrimo *Stephano Haleſio* S. T. P. jam pridem observatum fuit, magnam interesse analogiam inter tartarum vinorum, tartarum aquarum mineralium, sive crustas lapideas ab aquis mineralibus ortas, fundoque & later-



teribus vasorum continentium adhaerentes, & tartarum urinae sive calculum humanum. Vinum autem in acetum vergens, hoc est a pristina natura degenerans & quasi putrescens, absumit tartarum suum, uti satis notum; aquae item minerales putrescentes suas crustas lapideas, id quod ab eodem Viro perspicacissimo didici; quidni ergo continuetur Analogia inter regnum minerale, vegetabile & animale, uti solet esse per saepe, calculusque humanus solvatur ab urina putrescente?

Quod si objiciatur, concessio hoc, verendum tamen esse, ne partes urinariae male multentur ab urina alcalina & putrescente; respondeo: Primo, nihil hujusmodi aut conspectum fuisse hactenus in apertis cadaveribus post assumpta remedia demortuorum, aut inferri potuisse ab aegrorum viventium Symptomatis. Secundo, partes urinarias melius defendi, quam calculum, nempe a mucro suo, forsan non aequae refertas esse oleo animali. Tertio, partibus viventibus inesse principium renovationis, ideoque comesas, si modo lente fiat illud, renasci assiduò pari passu. Calculus autem,



pabulo suo defraudatus ob mutationem urinae inductam a remediis, simulque putrescentiam, utut lentam, in extima superficie concipiens, imminuitur usque, donec tandem evacuatur. Nescio, an non aliquid observatu dignum haec ulterius persequentibus oriretur, respectu habito ad alios quosdam morbos. Sed propero ad institutum proprium, nempe ad comprobendam urinae medicatae vim solventem intra corpus, ex eadem vi extra corpus conspicua.

Quamvis enim sub primum remediorum usum spes non contemnenda affulsit ex novis hisce urinae meae qualitatibus, imo quamvis viros quosdam fide dignissimos adeundo, & historias malorum suorum simulque levaminis accepti diligenter exquirendo, ipsa quoque fragmenta evacuata oculis perlustrando, absonum & iniquum videbatur, ultra ancipitem haerere; mea tamen res tantopere agebatur, ut memet cohibere non possem, quin circumspicerem undiquaque, & omnes conquirerem aut evincendi aut refellendi rationes. Institui ergo experimenta sequentia.



## EXPERIMENTUM PRIMUM.

Jun. 4. 1737. Accepi calculos duos A & B, ferraque divisi utrumque in partes quatuor, formâ & magnitudine fere pares. Calculus A durus erat, ex fusco albescens, & sibi ipsi similis per omnes laminarum ordines. Calculus B fuscus erat. Cortex illi durus, & in extima superficie parvis eminentiis distinctus; partes autem internae fuere multo molliores. Literis A & B appo-  
fui figuras 1, 2, 3, 4, ad indicandos Lique-  
res, in quibus horum calculorum portiones  
singulae digestae erant; eo scilicet ritu, ut

A 1, B 1 denotarent calculorum A & B  
portiones, in aqua fluviali digestas;

A 2, B 2 digestas in aqua fluviali, cum  
pulvere *testarum ovorum calcinatarum & li-*  
*macum*, ad nigritiem ulstorum, commixta;

A 3, B 3 in urina naturali;

A 4, B 4 in urina mea medicata alcalina.

Omnes has calculorum A & B portiones  
digessi, per septimanae spatium, in Lique-  
ribus suis, calore leni, quemque calori cor-  
poris humani aequalem efficere in animo e-  
rat; fuit tamen nonnunquam major, non-  
nun-



nunquam minor illo, propter defectum apparatus congruentis. Liquoribus per evaporationem decrefcentibus subinde novos ejusdem generis respective adjeci, simulque in statum singularum portionum follicite inquisivi. Secundo utique, vel tertio, post inchoatam digestionem die observavi squamas quasdam pertenuas & albas in superficie portionis A 4, easque pressione unguis facile separavi. Finita septimana exemi portiones singulas liquoribus suis, mantili deterfi, & calore solis exsiccavi. Sequens verò Tabula indicat Incrementum, vel Decrementum, ponderis ab hac digestionem profectum:

	Pondera ante di- gestio- nem.	Pondera post ex- siccatio- nem.	Decrem. pond. absolu- ta.	Decr. pond. propor- tionalia.
A 1 Grana	308 $\frac{1}{2}$ ..	304 $\frac{1}{2}$ .....	4 ..	0,012
A 2 .....	276 ..	273 .....	3 ..	0,010
A 3 .....	219 $\frac{1}{2}$ ..	220 $\frac{1}{2}$ Increm. 1 ..	0,004	
A 4 .....	213 $\frac{1}{2}$ ..	191 .....	22 $\frac{1}{2}$ ..	0,105
B 1 .....	257 ..	243 .....	14 ..	0,054
B 2 .....	227 ..	217 .....	10 ..	0,044
B 3 .....	222 ..	223 $\frac{1}{2}$ Increm. 1 $\frac{1}{2}$ ..	0,006	
B 4 .....	212 $\frac{1}{2}$ ..	190 .....	22 $\frac{1}{2}$ ..	0,105.

Patet ex hac Tabula, portiones A 4, B 4, in mea urina medicata digestas, magis



gis imminutas fuisse quibusvis aliis;

Portiones A<sub>1</sub>, B<sub>1</sub>, in aqua fluviali digestas, magis imminutas fuisse portionibus A<sub>2</sub>, B<sub>2</sub>, quae digestae fuere in eadem aqua fluviali, pulvere *testarum calcinatarum* & *limacum* ustorum commixta;

Portiones denique A<sub>3</sub>, B<sub>3</sub>, in urina naturali digestas, pauxillum incrementi cepisse.

Jam verò multum favet lithontripticae virtuti urinae medicatae, tantum decrementi ortum fuisse ab ejus actione.

Aquam fluvialem solam plus valuisse eadem pulvere commixta, exinde profectum arbitror, quod pulvis arcte adhaesit portionibus A<sub>2</sub>, B<sub>2</sub> variis in locis; ideoque tum gravitatem eorum auxit, tum prohibuit contactum intimiorem ipsius aquae.

Incrementum autem portionum A<sub>3</sub>, B<sub>3</sub> Phaenomenon est ejusdem generis cum augmento perpetuo calculorum, in vesica facto. Quin etiam, portione A<sub>3</sub> accuratè examinata, animadverti, laminam tenuissimam & facile separabilem illi hinc inde accrevisse, quam e particulis calculosis urinae naturalis, in qua digesta fuerat, constare judicavi.

EX-



## EXPERIMENTUM SECUNDUM.

Post hoc elui singulas portiones calculi A, & scopulâ deterfi adeo, ut auferretur, quicquid laxè adhaereret; Exemi partes internas molles portionibus singulis calculi B, reservatis in experimentum hoc secundum corticibus duris. Serra divisi calculos C, D, E, singulos in portiones quatuor, forma & magnitudine fere pares; calculum F in portiones duas; corticem calculi ejusdam albidi G in duas; nucleum item parvum, fuscum, calculi H in duas. Apposui quoque literis A, B, C, D, E, F, G, H figuras 1, 2, 3, 4, ea lege, ut

A<sub>1</sub>, B<sub>1</sub>, C<sub>1</sub>, D<sub>1</sub>, E<sub>1</sub>, denotarent portiones quinque, in aqua fluviali digestas;

A<sub>2</sub>, B<sub>2</sub>, C<sub>2</sub>, D<sub>2</sub>, E<sub>2</sub> portiones quinque, in decocto saponaceo, ab *Inven-trice* tunc temporis additis herbis quibusdam parato, digestas;

A<sub>3</sub>, B<sub>3</sub>, C<sub>3</sub>, D<sub>3</sub>, E<sub>3</sub>, F<sub>3</sub>, G<sub>3</sub>, H<sub>3</sub> portiones octo, in urina naturali digestas;

A<sub>4</sub>, B<sub>4</sub>, C<sub>4</sub>, D<sub>4</sub>, E<sub>4</sub>, F<sub>4</sub>, G<sub>4</sub>,  
H<sub>4</sub>



II 4 portiones octo, in urina mea medicata alcalina digestas.

Omnes hae portiones digestae erant per septimanae spatium, nempe a 20<sup>o</sup>. ad 27<sup>m</sup>. Junii, eodem ac antea modo, nisi quod liquores singuli effusi fuere quotidie manè, novique ejusdem generis respectivè additi, & quod portiones omnes simul absterfae erant spongia madida. Absterfae sunt etiam finita digestionem ad mundationem perfectam, sine vi tamen illata, & calore solis dein exsiccatae. Ostendit autem Tabula sequens decrementum ponderis portionum singularum.

	Pondera ante di- gestio- nem.	Pondera post ex- siccatio- nem.	Decrem. pond. absolu- ta.	Decr. pond. propor- tionalia.
A 1 Grana	304	288	16	0,052.
A 2 . .	272 $\frac{1}{2}$	228	44 $\frac{1}{2}$	0,163.
A 3 . .	219	216 $\frac{1}{2}$	2 $\frac{1}{2}$	0,011.
A 4 . .	190 $\frac{1}{2}$	151 $\frac{1}{2}$	39	0,204.
B 1 . .	71 $\frac{1}{2}$	61 $\frac{1}{2}$	10	0,139.
B 2 . .	68 $\frac{1}{2}$	50	18 $\frac{1}{2}$	0,270.
B 3 . .	63 $\frac{1}{2}$	62	1 $\frac{1}{2}$	0,023.
B 4 . .	63	45	18	0,285.
C 1 . .	162 $\frac{1}{2}$	150 $\frac{1}{2}$	12	0,073.
C 2 . .	155	132	23	0,148.
D				C 3



50 DISSERTATIO

C<sub>3</sub> . . 132 . 130<sup>r</sup> . . 1<sup>r</sup> . 0, 011.  
C<sub>4</sub> . . 122 . 109 . . 13 . 0, 106.

D<sub>1</sub> . . 47 . 36 . . 11 . 0, 234.  
D<sub>2</sub> . . 42 . 36<sup>r</sup> . . 6 . 0, 141.  
D<sub>3</sub> . . 42 . 42 . . . .  
D<sub>4</sub> . . 29 . 27<sup>r</sup> . . 1<sup>r</sup> . 0, 054.

E<sub>1</sub> . . 50 . 44<sup>r</sup> . . 5<sup>r</sup> . 0, 110.  
E<sub>2</sub> . . 36 . 27 . . 9 . 0, 250.  
E<sub>3</sub> . . 36 . 36 . . . .  
E<sub>4</sub> . . 32<sup>r</sup> . 26<sup>r</sup> . . 6 . 0, 184.

F<sub>3</sub> . . 30 . 30 . . . .  
F<sub>4</sub> . . 23<sup>r</sup> . 18<sup>r</sup> . . 5 . 0, 212.

G<sub>3</sub> . . 9 . 9 . . . .  
G<sub>4</sub> . . 6 . 6 . . . .

H<sub>3</sub> . . 3 . 3 . . . .  
H<sub>4</sub> . . 2<sup>r</sup> . 1<sup>r</sup> . . 1<sup>r</sup>, vel paulò plus.

Patet ex hac Tabula, portiones calculorum multò plus imminutas fuisse ab hac digestionem, quàm a superiori: quod procul dubio absterfioni spongia madida magna ex parte referri debet, ex qua etiam profectum esse credo, quòd portiones, in urina naturali digestae, nonnihil decrementi acceperant.



# DE LITHONTRIPTICO. 51

rant. Attamen insignis illa differentia decrementorum, quibus variae ejusdem calculi portiones affectae fuere, ab hac causa oriri non potuit. Absterfio autem occasionem praebuit cognoscendi, qua ratione Liquores 1, 2, 4 potestates suas Lithontripticas exerebant. Erant utique superficies omnium fere portionum, in his tribus Liqueoribus digestarum, albedine coopertae, quae tamen facile abstergi poterat, adeo, ut portio- nis color idem esset, ac ante digestionem. Nonnullis insuper deciderunt laminae albae inter abstergendum, dum interim aliae exesae fuere in morem favi. Ut singula per- curram: portiones omnes, in aqua fluviali digestae, albescebant, ipsaque aqua devenit quasi lactea. Portionibus A 2, A 4, C 2, C 4, F 4 & H 4 laminae albae deciderunt. B 2, E 2, E 4 multum exesae fuere. D 2 parum exesa. Cortex B 4 intus quidem ex- esus, at superficies externa, quae parvis eminentiis distincta fuit ante digestionem, facta est laevis. Portio D 4 vix quicquam immutata est, nisi quod albescebat, cum antea fusca fuerit. G 4 nullam omnino mutationem passa videbatur.



## EXPERIMENTUM TERTIUM.

Hanc rem ulterius persequuturus arcam, tres circiter pedes longam, duos latam, sesquipedem altam, implevi arena ad altitudinem digitorum septem, & lampadem accensam subtus posui, adeò, ut calore ejus transiret in arcam per infundibulum inversum, in centro arcae locatum, & calefaceret arenam. Arena includebatur in arca quadam interiore, octo digitos alta, inter quam & exteriorem intervallum erat quasi digiti transversi. Per hoc utique transibat aer calefactus ad octo foramina, in lateribus arcae propè fundum facta, quae ad varios gradus recludi potuere, ad exitum illi plus minusve liberum concedendum. Hac ratione calor aequabilis & perpetuus haberi potest, lenis quidem, sed variis usibus aptus, & aliquantò major vel minor, pro varia distantia vasis, in quo digestio fit a centro infundibuli. Affixi porro, in centro superficiei internae operculi, laminam ferream stannatam, ne forte operculum flammam conciperet ex calore lampadis. Accepi dein praedictas portiones omnes,



mnes, minutulis illis H<sub>3</sub> & H<sub>4</sub> exceptis, atque iterum digessi in Liquoribus suis respectivis, calore corporis humani, uti ex Thermometro patuit. Nactus sum etiam a suprà laudato Cl. *Halesio* duos calculos rotundos. Erant autem valdè difficiles solutu, ceu colligere licebat ab experimentis, institutis in alios quosdam calculos, ejusdem ferè magnitudinis & formae, ex ejusdem cadaveris vesica simul cum his duobus desumptos. Vocavi I<sub>3</sub> & I<sub>4</sub>. I<sub>3</sub> pendebat grana 25., & digestus est in urina naturali. I<sub>4</sub> pendebat grana 21., & digestus est in urina mea medicata alcalina. Digestio inchoata fuit Jul. 26°. 1737. Liquores singuli effusi sunt quotidie, novique ejusdem generis respectivè affusi per totum tempus digestionis. Calculi etiam absterfi quotidie spongia madida per decem dies primos, dein 3°. vel 4°. quoque die usque ad Sept. 3<sup>m</sup>., postea verò non omnino. Ostendit autem Tabula sequens, quo die portio quaevis tantum imminuta fuit, ut vel reperiri non posset, vel ob minutiam non facile distingui a parvis fragmentis, separari solitis à reliquis portionibus.



E <sub>2</sub>	:	:	:	Aug. 24.
D <sub>1</sub>	:	:	:	27.
B <sub>2</sub>	:	:	:	30.
D <sub>2</sub>	:	:	:	Sept. 8.
B <sub>1</sub>	:	:	:	9.
B <sub>4</sub>	:	:	:	9.
D <sub>4</sub>	:	:	:	12.
F <sub>4</sub>	:	:	:	Sept. 24.
G <sub>4</sub>	:	:	:	24.
C <sub>2</sub>	:	:	:	27.
E <sub>4</sub>	:	:	:	27.
I <sub>4</sub>	:	:	:	Oct. 11.
C <sub>1</sub>	:	:	:	15.
E <sub>1</sub>	:	:	:	15.
A <sub>2</sub>	:	:	:	15.
A <sub>1</sub>	:	:	:	31.
A <sub>4</sub>	:	:	:	Nov. 5.

Oblitus sum, diem notare, in quo C<sub>4</sub> visus est absumi; memini tamen, illud non contigisse, nisi sub finem digestionis.

Toto hoc tempore portiones octo, digestae in urina naturali, integrae permanferunt, atque etiam incrustatae fuere. Exemi Nov. 5°. exsiccavi, & dein ponderavi Nov. 15°. Incrementa singularum patent ex Tabula sequenti:



A <sub>3</sub>	aucta fuit pondere granorum	17 <sup>1</sup> / <sub>2</sub>
B <sub>3</sub>	. . . . .	16
C <sub>3</sub>	. . . . .	18
D <sub>3</sub>	. . . . .	7 <sup>1</sup> / <sub>2</sub>
E <sub>3</sub>	. . . . .	4
F <sub>3</sub>	. . . . .	4
G <sub>3</sub>	. . . . .	2
I <sub>3</sub>	. . . . .	2

Modus, quo absumptae fuere portiones reliquae, erat idem ferè ac in experimento secundo, nisi quod portiones, in aqua fluviali digestae, exesae erant pariter in morem favi post aliquod tempus, & pari passu decrescebant, ac portiones, in decocto saponis vel urina mea medicata digestae; quod D<sub>4</sub> & G<sub>4</sub> intactae videbantur per intervallum satis magnum, & tum demum e repente putrescebant; & quod parvus ille ac durus calculus I<sub>4</sub> variis fissuris scatebat post mensis circiter digestionem.



## EXPERIMENTUM QUARTUM.

Digessi diversas portiones eorundem calculorum in urinâ meâ medicatâ alcalinâ, caloribus diversis. Primus erat calor corporis humani; secundus tantus, ut manum meam vel quiescentem in eo detinere non possem. Mutata fuit utrobique urina quotidie, portiones verò non absterfae. Decrescebant & exesae fuere harum pleraeque modo satis conspicuo, unaque ex iis prorsus absumpta; sed, quod mirabar, calor minor potentior videbatur majori. Fortasse quòd vas, calori minori expositum, aliquantò majus erat altero. Hae portiones non fuere ponderatae.

## EXPERIMENTUM QUINTUM.

Decoxi portiones diversas eorundem calculorum in aquâ fluviali, urinâ meâ alcalinâ, & urinâ naturali, per horas quinque respectivè. Multùm imminuebantur, quae in aquâ decoctae sunt; multùm etiam, quae in urinâ meâ alcalinâ, harumque superficies al-



albescebant & emolliebantur. Verùm, quae in urina naturali, vix quicquam decrementi passae fuere.

### EXPERIMENTUM SEXTUM.

Digessi portiones diversas calculorum eorundem in aqua fluviali, aqua stillatitia, succo expresso, & decocto *Persicariae vulgaris acris*, calore corporis humani respectivè. Vis solvens aquae fluvialis omnium potentissima videbatur.

### EXPERIMENTUM SEPTIMUM.

Digessi portiones diversas calculorum desumptorum e vesica humana, e vesicis canum & ventriculis equorum, in aqua fontana, & aqua fluviali *Thamesinâ* (aqua fluvialis suprâ memorata ea erat, quae ex *flumine Novo* dicto huc deducitur), calore corporis humani respectivè. Omnes portiones calculorum humanorum integrè solutae fuerunt, reliquae verò multum imminutae ab aqua utraque; celerius tamen opere suo defungebatur aqua *Thamesina*, quam fontana.



Mutatae sunt aquae quotidie, sed portiones non absterfae. Notavi porro, quosdam e calculis humanis variis in locis fissos fuisse inter dissolvendum; bullas item aëreas semper haesisse in superficie aquae fontanae.

### EXPERIMENTUM OCTAVUM.

Digessi portiones quasdam alias calculorum caninorum & equinorum, in experimento praecedenti memoratorum, in urina naturali & mea alcalina respectivè, calore corporis humani, sed absque effectu sensibili; nisi quod una ex caninis, in urina mea alcalina digestis, aliquantulum emolliri videbatur. Hae portiones nec ponderatae fuere, nec absterfae. Mutatae sunt urinae quotidie.

### EXPERIMENTUM NONUM.

Digessi calculum renalem magnum, portiones duas ex iis, quae in urinâ meâ alcalinâ antea decoctae fuerant, ut & calculum parvum, rotundum, desumptum ex ejusdem cadaveris vesicâ cum 13. & 14., calore

cor-



corporis humani, in urina naturali a priori diversa. Calculus renalis & portiones duae nonnihil imminuebantur. Calculus parvus, rotundus, nigrescebat per dies primos, sed an quicquam decrementi passus esset nec ne, dignoscere non potui, non enim ponderaveram. Superficies calculi renalis evasit fragilis, adeò, ut laminae magnae facile ab ea separari possent; sed non facta est alba vel mollis, sicut calculorum superficies, in urina mea alcalina digestorum. Mutata fuit urina quotidie, sed calculi non absterfi.

#### EXPERIMENTUM DECIMUM.

Digessi calculum renalem, ejusdem circiter magnitudinis & formae cum priore, desumptumque ex altero rene cadaveris ejusdem, ut & calculos vel calculorum portiones duodecim diversas, in urina medicata alcalina aliis aegri haec remedia assumentis, calore corporis humani. Mutata fuit urina quotidie, sed calculi non absterfi. Decrescebant omnes modo satis conspicuo, portione una excepta, quae coloris erat ferrum rubiginosum referentis, & duritiei valde insignis,



signis, uti ferra patuit. Ea paulum incrementi, nempe partem circiter  $\frac{1}{30}$  ponderis fui, accepit. Haec portio digesta fuit per mensem tantum unum. Quod ad reliquos calculos, visum est mihi, magis imminutos fuisse, quàm si per idem tempus digesti essent in urina mea alcalina.

Omnia haec experimenta instituta fuere anno 1737.

### EXPERIMENTUM UNDECIMUM.

Apr. 19°. 1739. Sumpsi portiones duas calculorum singulorum K, L, M, N; vocavi respective K 3, K 4, L 3, L 4, M 3, M 4, N 3, N 4, & ponderavi

K 3	pendebat grana	272
L 3	. . . . .	145
M 3	. . . . .	39 $\frac{1}{2}$
N 3	. . . . .	18

K 4	. . . . .	282 $\frac{1}{2}$
L 4	. . . . .	188
M 4	. . . . .	49
N 4	. . . . .	31

Digessi portiones K 3, L 3, M 3, N 3, in  
uri-



urinâ naturali, portiones K<sub>4</sub>, L<sub>4</sub>, M<sub>4</sub>, N<sub>4</sub> in urina meâ medicatâ alcalina, per septimanae spatium, calore utrobique aequali, sed quem non mensurabam exacte, quique nunc major erat, nunc minor calore corporis humani. Mutata fuit urina utraque quotidie, sed portiones non absterſae. Apr. 26°. exemi omnes, & rursus ponderavi dum madidae erant.

K<sub>3</sub> pendebat gr. 312 hoc est, aucta fuit pondere gr. 40

L<sub>3</sub> . . . 159 . . . . . 14

M<sub>3</sub> . . . 47 . . . . . 7 $\frac{1}{2}$

N<sub>3</sub> . . . 20 $\frac{1}{2}$  . . . . . 2 $\frac{1}{2}$

K<sub>4</sub> . . . 328 . . . . . 45 $\frac{1}{2}$

L<sub>4</sub> . . . 198 $\frac{1}{2}$  . . . . . 10 $\frac{1}{2}$

M<sub>4</sub> . . . 61 . . . . . 12

N<sub>4</sub> . . . 36 . . . . . 5

Post hoc calore solis exſiccavi, exſiccata verò tertia vice ponderavi, die 20°. Maji inſequentis.

K<sub>3</sub> pendebat gr. 276 $\frac{1}{2}$  hoc est, aucta fuit pond. gr. 4 $\frac{1}{2}$

L<sub>3</sub> . . . 148 . . . . . 3

M<sub>3</sub> . . . 40 . . . . .  $\frac{1}{2}$

N<sub>3</sub> . . . 18 $\frac{1}{2}$  . . . . .  $\frac{1}{2}$

K<sub>4</sub>



K 4	pendebat gr. 276	hoc est imminuta fuit pond. gr. 6 <sup>i</sup>
L 4	178 <sup>i</sup>	9 <sup>i</sup>
M 4	41	8
N 4	30	1

Subducendo autem incrementa portionum K 3, L 3, M 3, N 3 post exsiccationem ab incrementis eorundem respectivis ante exsiccationem, & addendo decrementsa portionum K 4, L 4, M 4, N 4 incrementis eorundem ante exsiccationem, patebit, quantitates urinae naturalis & medicatae, ab unâquâque portione imbibitas, fuisse ut in Tabulâ sequenti.

K 3	imbiberat urinae naturalis gr.	35 <sup>i</sup>
L 3	.....	11
M 3	.....	7
N 3	.....	2

K 4	imbiberat urinae medicatae gr.	52
L 4	.....	20
M 4	.....	20
N 4	.....	6

Cum itaque numeri 35<sup>i</sup> & 52, 11 & 20, 7 & 20, 2 & 6 sint in majori ratione ad se invicem, quam ipsae portiones K 3 &  
K 4,



K<sub>4</sub>, L<sub>3</sub> & L<sub>4</sub>, M<sub>3</sub> & M<sub>4</sub>, N<sub>3</sub> & N<sub>4</sub>  
ante digestionem; patet, urinam medica-  
tam fortiùs attractam fuisse ab horum cal-  
culorum unoquoque, quàm naturalem.

Ab his experimentis deduci possunt Co-  
rollaria sequentia:

1. Ipsa aqua mera praedita est vi solven-  
di calculos humanos, caninos, equinos;  
fortasse concretiones quasvis, ex fluidis ani-  
malibus factas. Consulantur experimentum  
1<sup>m</sup>. 2<sup>m</sup>. 3<sup>m</sup>. 5<sup>m</sup>. 6<sup>m</sup>. & 7<sup>m</sup>; Item experi-  
menta Cl. *Littræi* in *Actis Regiis Parisi-  
ensibus* anni 1720; nec non experimenta Cl.  
*Halesii* in Dissertationibus ejus staticis. Si  
igitur rivus merae aquae pertransiret renes  
& vesicam quotidie per temporis spatium  
sufficiens, omnes omninò calculos ibidem  
haerentes solveret. Tantùm abest, ut ne-  
cesse sit, menstruum aliquod acidum vel a-  
cre in renes aut vesicam deduci ad hunc fi-  
nem. Verum aqua epota, nisi simul adjun-  
gatur medicamentum lithontripticum, fit  
urina naturalis incrustans, utpote plùs  
quàm saturata ipsis calculi elementis. Idem  
dici potest de reliquis liquoribus in victu  
communi usurpatis, quorum plerique cal-  
culo



culo solvendo pares esse videntur extra corpus.

2. Aegris, haec remedia justâ quantitate assumentibus, urina medicata alcalina virtute lithontriptica donatur. Patet per experimentum 1<sup>m</sup>. 2<sup>m</sup>. 3<sup>m</sup>. 4<sup>m</sup>. 5<sup>m</sup>. 10<sup>m</sup>. & 11<sup>m</sup>. Benè memini, quantum mihi ipsi gratulaber, cum vidissem eventum primi & secundi experimenti. Haec quippe videbantur non minùs rem ipsam tangere, quam historiae aegrorum, calculi fragmenta & laminas reddentium, subsequente Symptomatum cessatione. Frustra objiciebatur, nescio quae, impossibilitas corpus adeo durum solvendi, nisi a fluido acriore quàm ut impunè ferrent renes & vesica, nec non perducendi virtutem lithontripticam a ventriculo per recessus & exiles corporis meatus usque ad organa urinaria. Fieri potest, quicquid factum est; Quid autem sit his in rebus impossibile, non est humani ingenii definire.

3. Vires lithontripticae decocti saponacei & ipsius urinae medicatae alcalinae tam parum a se invicem distant, ut nullo modo sit operae pretium, decoctum illud in vesicam  
in-



injicere, spe calculi promptius solvendi. Patet per experimentum 2<sup>m</sup>. & 3<sup>m</sup>. Quas ob causas acciderit, ut aquae fluvialis vis solvens superaretur tanto intervallo a vi solvente decocti saponacei & urinae medicatae in 1<sup>o</sup>. & 2<sup>o</sup>. experimento, at in 3<sup>o</sup>. tam propè ad eandem accederet, prorsus nescio.

4. Experimenta, instituta in portiones similes calculorum eorundem, digerendo aut decoquendo illas similiter, ne variatâ quidem vel minutissimâ circumstantiâ, in urinâ naturali, uti fiebat in experimento 1<sup>o</sup>. 2<sup>o</sup>. 3<sup>o</sup>. 5<sup>o</sup>. 9<sup>o</sup>. 10<sup>o</sup>. 11<sup>o</sup>., multum lucis & roboris apportant, si quae fortè desint. Retinebat enim urina naturalis in experimento 1<sup>o</sup>. 3<sup>o</sup>. & 11<sup>o</sup>. vim illam incrustantem extra corpus, qua potiri eam intra corpus abundè constat ex Historiâ calculi; & pari ratione necesse est, ut urina medicata alcalina praedita sit illâ virtute lithontripticâ intra corpus, cujus actio extra corpus est tam manifesta. In experimento quidem 2<sup>o</sup>. absterfio spongiâ madidâ, in 5<sup>o</sup>. vis ignis, impedimento erant vi incrustanti urinae naturalis; eadem tamen, ac in caeteris



experimentis, remansit differentia inter effectum hujus & effectum urinae medicatae. Ab experimento 9<sup>o</sup>. colligi potest, urinam illam naturalem vim quandam solventem exercuisse in calculum renalem, pari forte ratione, ac urina naturalis calculosorum nonnunquam ita mutari videtur intra corpus, ob regimen diversum aliasve causas, ut deponat vim suam incrustantem, fragilem reddat calculi superficiem, & fragmenta secum deducat. Attamen calculus alter renalis experimenti 10<sup>mi</sup>. tantâ cum celeritate decrefcebat, ut eadem circiter differentia inter vires urinae naturalis & medicatae hic rursus appareat.

De abstersione notandum est, quod etsi expediat periculum facere, quid per se valeat urina medicata sine abstersione, id quod feci in experimento 4<sup>o</sup>. 5<sup>o</sup>. 10<sup>o</sup>. & 11<sup>o</sup>., attamen motum corporis, & praesertim frequentes illas & vehementes vesicae partiumque adjacentium contractiones, quae calculosis solenniter adsunt, non levem vim habere in acceleranda calculi solutione intra corpus, & abstersionis, lenis saltem, vice fungi.



5. Numerus calculorum ab urina medicata solutorum tantus fuit, quorundam etiam textura adeò compacta, & durities adeo insignis, ut jure inferri possit, vim urinae medicatae solventem pertingere ad calculos humanos ferè universos. Patet quidem per experimentum 10<sup>m</sup>., portionem quandam durissimam, coloris ferrum rubiginosum referentis, auctam fuisse ex mensis unius digestionem in urina medicata; verum exinde deduci non potest, prorsus indissolubilem fuisse, quoniam portio G 4, quae tandem integrè soluta est, permanerat ante hoc immutata per septimanam in experimento 2<sup>o</sup>., dein per mensem in 3<sup>o</sup>. Et incrementum portioni illi durissimae accedens forsan debebatur intimae cuidam unioni inter solvens & solvendum, quam solutioni praeire necesse est. Talem dari unionem inter calculum & urinam medicatam, patet per experimentum 11<sup>m</sup>. Quin & in aliis quibuscunque solutionibus rem ita se habere, perquam verisimile est. Analogia porro solutionum reliquarum postulare videtur, ut menstruum, par solvendis tot calculis, ad omnes tandem comminuendos, utut mul-



tum inter se discrepantes, efficax reperitur. Aurum omne solvitur ab aqua regia, sulphur omne ab alcali fixo, substantia omnis animalis a lixivio saponis, resinae omnes ab alcohole, gummi omnia ab aqua. Quod itidem dici potest de concretis quibuscvis, quorum partes coagmentantur ope gummi, resinae &c.; dissolvantur oportet concreta illa ope aquae, alcoholis &c. respective. Jam vero praedicta corpora, tam solvenda quam solventia, licet eodem generali titulo comprehensa, patiuntur diversitates majores vel minores ob causas innumeras, propter quas etiam solutio promptius vel tardius perficitur. Eadem ratione diversa sunt & calculorum & urinae medicatae genera, a diversis aetatibus, temperamentis & id genus aliis, originem ducentia; modus item solutionis, tempusque illi absolvendae necessarium, magnoperè variantur, tum intra tum extra corpus, uti patet ex Historiis & experimentis supra recensitis, quae idcirco se mutuò stabiliunt, simulque Analogiae allatae fidem adstruunt. Attamen non est credendum, si calculus A constet ex aëre sub forma inelastica, aqua, oleo,



oleo, fale & terra, calculum B quovis horum proffus deftitui. Ideòque, five urina medicata alcalina aërem latentem expediat, five oleum ad fe trahat, five tendat ad falis neutrius partem acidam, illamque a terreftri falis parte diffociet, five magna vi imbibita calculum difrumpat, five horum unumquodque quodammodo praestet, (poffunt enim forfan omnia cognatione quadam inter fe conjungi), five quaevis alia fit ejus actio, verifimillimum eft, eandem actionem efficacem fore ad calculos quofvis folvendo, licet variato modo & tempore, pro varia natura & proportionem mutua partium componentium calculi & urinae medicatae. Calculus parvus 14, granorum 21<sup>1</sup>/<sub>2</sub>, non erat integrè abfumptus ab urina mea medicata, nifi abfoluto 11. feptimanarum fpatio; qua re, pofitis iisdem circumftantiis intra corpus ac in experimento 30., calculus ejusdem generis, pendens unciam integram, defideraret annos aliquot ad fui folutionem perficiendam. Laborant nonnulli per annos decem, viginti, triginta, nec tamen adefit illis calculus major, quam qui in aliis fubnafcitur fpatio multò breviori. Ubi au-



tem calculi generantur tardè, credibile est, augmentum fieri per appositionem elementorum minorum, atque adeo haec elementa arctius cohaerere inter se, juxta observatum *Newtoni*, ex Phaenomenis quam plurimis comprobatum, quaecunque tandem sit cohaesionis causa.

Quapropter expectari potest, ut calculi, tardè incrementales, tardè quoque decrescant; & ut, qui laboraverint per annos permultos, necesse habeant, semet taedio remediorum longiori subicere. Fieri etiam potest, ut in junioribus acidi abundantia, olei vero inopia, partim in causa sint, quòd eorum calculi difficilius cedant remediorum actioni. Verum, ut tandem finem faciam, non vereor asserere, & pro asserto meo vindicando ad experientiam futuram provocare, omnes calculos viarum urinariarum plus minusve semper decrescere, ubi haec remedia justâ quantitate assumuntur, cum idoneo regimine.

Addendum est, experimenta quaedam nuper instituta fuisse a suprâ laudato Cl. *Geoffroio* in urinam medicatam, a Viro autem celeberrimo *Salvatore Merando*, Chirurgur-



urgo *Parisiensi*, in urinam tum naturalem tum medicatam, cum praecedentibus quod ad scopum primum congruentia.

Ultimum genus argumentandi desumptum est ex vi lithontriptica ipsorum remedium, sive, quod eodem recidit, ex vi lithontriptica *lixivii saponis & aquae calcis*,

Cl. *Halesius* nuper instituit experimenta quaedam, huc spectantia. Quae cum sint maximi momenti, ad vires *Lithontriptici* hujus illustrandas & confirmandas, magnam me apud vos gratiam initurum esse, non dubito, proferendo Compendium Dissertationis, ab illo lingua vernacula evulgatae, in qua haec experimenta, unà cum observationibus quibusdam inde deducendis, recensentur.

Sumpsit *Halesius* calculos *A* & *B*, ferraque divisit utrumque in portiones benè multas. Calculus *A* ingens erat, & fusco-pallidus. Calculus *B* moriformis, nigro-fuscus, & valdè durus, uti vel ex eo patuit, quod partes ferra divisae splendebant, ad instar marmoris expoliti.

Portio calculi *A* decocta in *Lixivio saponis capitali* per semihoram fuit integrè so-



luta. Circumdabatur autem durante coctio-  
ne bullis aëreis, serie successivâ usque disru-  
ptis & renascentibus, quod inter certissima  
calculi fatiscentis signa haberi debet, eò  
quòd calculus prae caeteris plerisque corpo-  
ribus abundet aëre sub formâ inelasticâ con-  
cluso, uti in Dissertationibus suis Staticis o-  
stendit idem Halesius.

*Lixivium saponis capitale* est Lixivium  
calcis vivae & falis fixi alcalini adeò forte,  
ut saponi conficiendo sit idoneum. Conti-  
net autem in se *Lixivium capitale Nostra-  
tium* partem circiter quintam falis caustici,  
*Lapidis Infernalis* dicti, sicut patet per e-  
vaporationem; estque ejus gravitas specifica  
ad aquae gravitatem specificam in ratione 7.  
ad 6., vel paulò majori.

Decoctâ portione calculi *B* in eodem *li-  
xivio capitali* per horae spatium, partes ex-  
ternae ita emollitae sunt, ut limi rigentis  
speciem prae se ferrent, internae verò fa-  
ctae putridae & fragiles.

Portiones aliae tres calculi *A* integrè so-  
lutae fuere ab eodem *Lixivio capitali* solâ  
digestione, magis calidâ quidem spatio ho-  
ra-



rarum quatuor, minus calidâ horarum octo-  
decim, frigidâ dierum trium.

Portio item alia calculi *B* devenit putrida & fragilis, digestionem calidâ dierum septem in eodem Lixivio.

Verum, quod maximè notandum est, portio iterum alia calculi *A* decocta in lixivio falis fixi alcalini folius, ejusdem gravitatis specificae cum illo *Lixivio capitali*, nullam mutationem passa esse videbatur.

Est igitur *Lixivium capitale*, sive Lixivium calcis vivae & falis fixi alcalini simul maceratorum, potentissimum ad calculos solvendos menstruum, Lixivium falis alcalini folius vincens immenso intervallo, & a spiritu nitri unice vincendum, quatenus hucusque innotescit.

Haec autem *Lixivii capitalis* vis adeò insignis deberi videtur erectae cuidam & lancinanti Polaritati, quam igneae particulae calcis vivae impertiuntur salibus fixis alcalinis; eodem modo, quo calor intensus spiritus acidus summè corrosivos progenerare creditur, vel magnes cogit limaturas ferreas in morem setarum erectarum se componere. Quin & frigus acre similem polari-



tatem donat aquae, namque pruina constat ex hujusmodi spiculis lancinantibus, eò longioribus majoribusque, quò frigus est intensius, modo aëris humiditas tanta sit, ut non deficiat aquae copia requisita. Probabile est porrò, pruina pascua investientem non minùs ipso *arsenico* lethalem fore animalibus gramine vescentibus, nisi statim liquefceret calore leni.

Ex eadem fortasse polaritate derivanda est immensa vis expansiva aquae gelascentis (abit autem inter gelandum in Cryсталlos, hujus polaritatis indices), ut & gravitatis specifica imminutio, potius, quam ab intromissione particularum nitrosarum, quae aquae gravitatem specificam augere debent. Nam, si particulae aqueae novas formas induant ex actione frigoris, fieri potest, ut hae novae formae augmentum molis possint, simulque, ut tanta sit vis cohaesionis mutuae inter illarum elementa, qua vel globus ferreus disrumpatur, quod aliàs expertus est *Halesius*, ut videre est in Dissertationibus ejus Staticis.

Sed & Polaritas hujusmodi (a quacunque demum causa ipsa oriatur) multum pollere



videtur in formatione corporum naturalium, & fortasse figurae irregulares quorundam calculorum vesicae huic ex parte debentur.

Quod autem ad Lixivium praedictum falis fixi alcalini solius, non statim concludendum est ab experimento in illud instituto, nulla vi solvendi donari. Namque alia portio calculi *A* similiter decocta fuit per horae spatium in decocto saponis, sine effectu sensibili, cujus tamen vis solvens respectu calculi *A* patuit ex eo, quod portio ejus alia, digesta in hoc decocto per dies quindecim calore leni, conversa fuit in mucum album, nucleo parvo fragili excepto. Observandum est etiam, calculum *A* durioribus accenferi debere, nam portio ejus, digesta per decem septimanas in aqua pluviali calore leni, non fuit imminuta ad sensum.

Ex variis modis, quibus solutiones calculorum, in *lixivio capitali* & urina medicata digestorum, peractae sunt, aliquo modo expiscari queamus naturam calculi adhuc haerentis in vesica, nempe conferendo fragmenta, evacuata ab aegro remedia assumente, cum solutionibus extra corpus factis.

Uri-



Urina medicata solet esse turbida & quasi lactea, simulque deponere, intra aliquot minuta prima, sedimentum album & grave. Colloquente mecum Halesio de natura hujus sedimenti, ut & fragmentorum, a remedia assumentibus evacuatorum, institui-  
mus sequens Experimentum: Sumplimus tres tubulos fumo tabaci hauriendo destinatos, & indidimus singulis respective fragmenta quaedam calculi genuini, fragmenta alia ab aegro remedia assumente evacuata, & sedimentum exsiccatum alterius aegri. Priora duo igni imposita brevi avolarunt ferè integrè, uti solet calculus humanus; dum interea ex granis duodecim sedimenti exsiccati restabant grana septem, ex quo licet colligere, calcem remediorum in vias urinarias perducì.

Sumpsit *Halesius* uncias quatuor civilis ponderis *averdupois* dicti, sive grana 1752., *Lixivii Capitalis*, & evaporavit ad siccitatem. Relicta sunt grana 320. salis caustici alcalini. Huic sali affudit aquae quantitatem evaporatae aequalem, nempe grana 1432., & dein filtravit. Restabat in filtro calx sicca, insulsa, pendens grana undecim,  
quae



quae nullum passa est deliquium, licet exposita fuerit aëri per intervallum satis magnum. Repetitis evaporatione, affusione, & filtratione, secunda vice, restabant in filtro grana septem calcis ejusdem infusae, tertiâ verò, tantum grana duo; quae quidem quantitas ultima nihilo major est, quam si lixivium salis alcalini solius filtratum fuisset. Ex purissimis enim lixiviis, etsi jam pridem saepissimè filtratis, usque haberi potest nonnihil capitis mortui per novam filtrationem. Patet interea per duas priores filtrationes, calcis grana 18. contineri in granis 320. salis caustici saponis; adeoque calx medicatae urinae aliquâ ex parte derivatur ab hoc fonte, licet pars praecipua proveniat a calce testarum.

Sed, quod imprimis animadversione dignum est, aliud lixivium capitale privatum fuit insigni sua solvendi virtute, ex eodem processu evaporationis, affusionis & filtrationis ter repetito, sapore ejus simul factominus acri. Retinebat illam quidem post processum primum, ut & post 2<sup>dum</sup>, verum portio calculi digesta in eo post 3<sup>um</sup> dies bene multos, exhibuit nil nisi superficiem paulum emollitam.

In-



Interea haec vis solventis abolitio nec adscribenda est calci per filtrum sublatae, namque, evaporatione & affusione ter repetitis sine filtratione, idem comparuit effectus; nec evaporationi particularum aliquot penetrantium, cum invenerit *Halesius*, destillatione lixivii capitalis in hunc finem instituta, nil nisi meram insulfam aquam adscendere in Recipiens. Restat itaque, ut haec virtutis solventis abolitio aquae affusioni repetitae debeatur, qua scilicet particulae igneae calcis vivae restinguuntur, textura & unio calcis vivae cum salibus alcalinis immutatur, Polaritasque inde pendens destruitur. Pari ratione fieri potest fortasse, ut vis solvens salium alcalinorum saponis multum imminuatur a transitu eorum per viscera & vasa in renes; & ut testae calcinatae ideò sint utiles praecipuè, quod hanc Polaritatem in tantum augeant, ut vis ejus possit pertingere in vias urinarias.

Unciis duabus *Lixivii capitalis* oleo vitrioli saturatis, illicò deciderunt ad fundum vasis grana viginti salis neutri, *salem mirabilem Glauberi* referentis. Liquor autem supernatans privatus fuit solvendi virtute.

In-



Invenit Cl. *Geoffroi*us experimento ad hunc scopum destinato, *saponem Alicanticum* continere salem alcalinum ad sextam circiter sui ipsius partem. Cum itaque *Lixivium capitale* nostratium contineat salem fixum alcalinum ad quintam sui ipsius partem, ut supra notatum est, partes sex Saponis aequabuntur partibus quinque *Lixivii*, quod ad quantitatem salis alcalini, hoc est, unciae duae Saponis aequabuntur sesquiunciae & scrupulis quatuor *Lixivii*, Saponis unciae duae cum semisse unciis duabus & scrupulis duobus *Lixivii*, & Saponis unciae tres *Lixivii* unciis duabus cum semisse.

Sumpsit *Halesius* tres Phialas, ejusdem circiter magnitudinis, sed labiorum crassitie multum inter se discrepantes, invenitque, *Lixivii capitalis* guttas 194., 150., 116. delapsas respectivè è Phialâ minimae, mediae, & maximae labiorum crassitiei, sibi invicem, ut & drachmae unius ponderi, aequari. Quae quidem guttarum diversitas, pro variâ crassitie labiorum Phialae, e quâ destillant, res est non levis momenti in arte Pharmaceuticâ, mereturque singularem considerationem.

Hinc



Hinc patet, si guttae magnitudinis mediae fumantur, Saponis uncias duas aequari guttis 2000. Lixivii, Saponis uncias duas cum femisse guttis 2500. Lixivii, & Saponis uncias tres guttis 3000. Lixivii.

Sumpsit *Halesius* portiones 27. calculi *A*, magnitudine quidem diversas, sed intra limites granorum 3. & 14. constitutas, illasque indidit totidem Phialis, unciarum circiter duarum aquae capacibus, numerisque 1., 2., 3. &c. usque ad 27. respectivè insignitis. Infusa est uncia una urinae naturalis singulis Phialis, additis guttis *Lixivii capitalis* ab una, augmento facto, usque ad viginti sex guttas, pro numero phialae cujusvis, verum Phialae 27. sola urina naturalis inerat. Digestae fuere hae portiones leni calore, & liquores mutati manè quotidie. Exactis diebus 16., portiones omnes, digestae in phialis a numero 17. ad 26. inclusivè, ubi scilicet aderant plus quam 16. guttae *Lixivii Capitalis*, factae sunt albae & molles ad notabilem a superficie distantiam, & intra dies 13. amplius integrè solutae, nisi quod exiguus & putridus nucleus nonnullis adhuc remansit. Post dies 39.

ab



ab initio digestionis exemit & exsiccat  
portiones 16. primas, ut & portionem in  
phialâ 27. digestam. Haec portio aucta  
fuit pondere granorum 2., hoc est quintâ  
sui ipsius parte, salibusque quasi crySTALLIZA-  
tis oblecta. Portiones 1. & 2. nec auctae  
fuere, nec imminutae. Reliquae omnes  
imminutae. Hinc patet, guttas tres *Lixi-  
vii capitalis* cum unciâ unâ, nimirum gut-  
tis circiter 1200., urinae naturalis commix-  
tas, sive partem unam *Lixivii capitalis* cum  
partibus 400. urinae naturalis, vim ejus in-  
crustantem tollere posse, contrariamque  
impertiri.

Dictum est supra, *saponis Alicantici* un-  
cias duas cum semisse continere sales alca-  
linos guttarum 2500. *Lixivii capitalis*. Jam  
si ponatur, secundum *Keillium* nostrum,  
mediam quantitatem ingestorum & egesto-  
rum quotidie e corpore humano sub forma  
solida vel fluida aequari unciis 78., sales au-  
tem saponis aequaliter distribui in has 78.  
uncias, sive per renes, sive per cutim, si-  
ve per aliam quamvis viam evacuentur; pa-  
tet, dividendo 2500. per 78., unciam quam-  
vis egestorum e corpore aegri, *saponis Ali-*



*cantici* uncias duas cum semisse quotidie affumentis, imbui guttis 32. *Lixivii capitalis*. Quod si sales alcalini saponis fecernantur maxima ex parte per renes, tum uncia quaevis imbuetur guttis *Lixivii capitalis* fere duplo pluribus. Quae quidem quantitas abunde sufficeret ad vim solventem urinae impertiendam juxta experimentum ultimo recitatum, si modò Polaritas salium saponis (aut quaecunque demum sit causa virtutis eorum solventis) illibata permanere posset post transitum per vasa lactea, sanguinea & secretoria. Hoc autem fieri, saltem conjunctâ ope calcis testarum, constat ex Historiis aegrorum & experimentis cum urina medicata institutis. Quin etiam compensatur virtutis imminutio per majorem guttarum numerum. Etenim in experimento ultimo maximus guttarum numerus fuit 26; at, aegro remedia mediâ quantitate affumente, uncia quaevis urinae continere videtur guttas ad minimum 50.

Observatum est a me supra, dolores in viis urinariis saepenumero augeri solere ab usu remediorum, atque illud non fieri statim, sed elapsis aliquot diebus, a prima eorum



rum assumptione. Hujus rei ratio sic se habet, secundum *Halesium*. Quantitas sanguinis, aliorumque fluidorum corporis humani, multo major est unciis 78., quantitate scilicet illud quotidie pertranseunte. Necesse est autem, ut dies aliquot impendantur toti massae sanguinis & reliquorum humorum aequabiliter imbuendae salibus alcalinis saponis, antequam quantitas salium quotidie ingesti, egeri possit itidem quotidie. Afficitur autem fortasse sphincter vesicae magis, quam caeterae partes urinariae, propter celeritatem fluxus urinae ibidem, ex qua magis denudatur muco suo defendente.

Voluit experiri *Halesius*, quota pars saponis urinae naturali addita vim ei solventem impertiretur, sed nequivit efficere, ut inter se miscerentur.

Digessit *Halesius* varias portiones calculi *A* in variis aquis calcis, invenitque, has omnes vi solvendi validâ potitas fuisse. Erant autem eò potentiores, quò calx minus extincta, vel minor aquae quantitas proportionalis ipsi affusa.

Hinc colligere licet, testas calcinatas par-



tem non contemnendam obtinere in vi solvente urinae medicatae impertiendâ. Quod si decoctum Saponis, superius praescriptum, fieret cum aquâ calcis, vice aquae merae; verisimile est, auctam iri virtutem remediorum sine augmento quantitatis.

Haftenus *Halesius*, vir optimus, & in Philosophiâ Experimentalî praestantissimus.

Fortasse non inutile esset experiri, quid *Lixivium capitale* valeat aut per se, aut conjunctim cum calce femi-extinctâ testarum ovorum, vel alia quavis. Exhiberi potest femiuncia *Lixivii capitalis*, in semilibrâ lactis vaccini, quater quotidie, sine noxa, ut videtur.

Quin & sal fixus alcalinus, qualis est sal tartari, absinthii, nitrum fixatum, conjunctus cum calce femi-extincta, & propinatus in lacte vaccino, fortasse non minus efficax reperietur ad calculos solvendo, quam *testae ovorum calcinatae & sapo Alicantici*. Namque sal tartari, qui vulgò prostat venalis in nostris Pharmacopoliis, acrior videtur, ideòque in solvendo potentior, sale *Saponis Alicantici*, qui scilicet residuus est post hunc combustum. Exhiberi possunt scrupuli quatuor,



tuor Salis fixi alcalini cum scrupulis item quatuor calcis in semilibra lactis vaccini, ter quotidie, sine noxâ, ut videtur.

Sed non adest de his rebus experimentorum copia sufficiens. Interim orandi estis, ut detis operam experimentis instituendis in urinam naturalem & medicatam, in calculos, calces, sales alcalinos, lixiviam, saponem & id genus alia, effectusque inde oriundos publici juris faciatis. Campus patet infinitus.

Ipse jam tradidi, breviter quidem, sed summâ cum curâ & fidelitate, quae novi, omnia, ad *Inventum* hoc illustrandum, confirmandum, & ulterius provehendum, conducentia. Liceat solum pauca adjicere de modis, quibus primò *Inventrici* obtigerit, & tandem publici juris factum sit.

Orta est *Joanna Stephens* e stirpe generosa, in comitatu *Berks*. Affirmare autem possum ex triennii, & quod excurrit, experientiâ, praeditam eam esse indole perquam bonâ, sagacitate verò non mediocri. Viginti circiter abhinc annis fortè obvenit illi praescriptum pro calculo solvendo, constans testis ovorum furno coctis & pulveratis. Has



porrò sic exhibuit; sed aliquo post tempore exussit igne culinari, primò ad nigritiem, deinde donec rursus alberent, & sibi ipsi visa est observare, eò magis efficaces reddi, quò plus igni fuère expositae. Solebat utique tunc temporis propinare scrupulum vel paulò plus *testarum ovorum calcinatarum*, ter quotidie, in vino albo. Cum verò alvi adstrictio pertinax abhinc perfaepè oriretur, adjunxit pro re natâ parvam quantitatem *Saponis*, quem etiam ad calculum promptius solvendum conferre posse suspicata est. Huic porrò Methodo institit per annos aliquot, eam fabulo renum amoliendo, vel etiam calculis vesicae interdum solvendis, parem esse experta. Duodecim circiter abhinc annis exhibuit testas calcinatas dosi majori cuidam, nomine *Coxon*, seni fere octogenario, addita etiam saepenumero *Saponis* semiunciâ, sub forma *Haustûs*. Is calculi vesicae Symptomatis laboraverat per aliquod tempus; reddidit autem laminas & fragmenta calculi permulta, evasitque soluti calculi exemplum insignius, quovis alio priori. Hoc igitur animata exhibuit tum  
pul-



pulverem tum Saponem majori adhuc quantitate, eventu pariter feliciore.

Anno 1735. Vir Honorabilis, Eduardus Carteret, Veredariorum publicorum Praefectus generalis, incepit uti *Lithontriptico*, & plurimum levaminis exinde persensit. Increbuit illicò fama illius, numerusque aegrorum assumentium auctus est quotidie. Anno 1737. adfuere tot sanationum exempla, tantis quoque testibus confirmata, ut Arcani desideratissimi cita patefactio humani generis summoperè interesse videretur. Rogata est itaque *Inventrix*, ut id publici juris faceret, oblatâ conditione *quinquies mille librarum monetae Anglicanae*, ex privatorum munificentia voluntaria colligendarum. Sed defuit huic proposito successus optatus. Quare, ineunte anno 1739., consilium ei datum est, ut a *Senatu Britannico* praemium illud peteret, hac quidem lege, ut Arcanum patefactum examini subiceretur prius, quam concederetur praemium. Annuit *Senatus*, *Decretumque* illius *Regio Affensu* confirmatum fuit Junii 14°. 1739. Notitia remediorum statim publici juris fa-



cta est. Experimenta super iis instituta.  
Eventus promissis respondit; accepitque *In-*  
*ventrix* Praemium supra memoratum Mar-  
tii 5°. 1740.

*Dabam Londini*

Jan. 16. 1741.

